



Renata Beata Margas
Svindalsvegen 4
5913 Eikangervåg

Referanser:
Dykkar:
Vår: 22/6260 - 23/35842

Saksbehandlar:
Roger Fanavoll Fjellsbø
roger.fanavoll.fjellsbo@alver.kommune.
no

Dato:
09.05.2023

Førehandsvarsel om pålegg om retting og ilegging av tvangsmulkt - gbnr 29/20 Hauge - Avvik i septiktank

Tiltak: Lågt nivå og mogleg lekkasje frå avløpsanlegg
Byggjestad: GBNR 29/20 Hauge
Tiltakshavar: Renata Beata Margas

Viser til vårt brev av 25.01.2023 der vi opplyser om at vi har motteke melding frå Norva24 AS om at det ved siste tømning vart registrert manglande dykk, lågt nivå og mogleg lekkasje i avløpsanlegget på eigedommen din, med adresse Svindalsvegen 4. Frist for utbetring av tanken var **30.04.2023**.

Vi mottok tilbakemelding frå deg på e-post i dag 09.05.2023. I tilbakemeldinga skriv du at feilen vart utbetra for 1-2 år sidan, og at dette vart dokumentert og godkjent. I sak 20/10264 mottok kommunen i april 2021 ei stadfesting frå deg at tanken var tetta og bilete dokumentasjon som viste rett nivå i tanken. Saka vart avslutta på bakgrunn av dette.

Når det ved neste tømning på ny vert rapportert om lågt nivå og mogleg lekkasje, tyder dette på at avløpsanlegget framleis har ein lekkasje og at arbeidet som vart utført i 2021 ikkje har vært godt nok som ein varig reparasjon av anlegget. Vi gjer oppmerksom på at utbetring av avløpsanlegg må utførast av eit godkjent rørleggarføretak.

Kommunen varslar med dette at vi vil påleggje deg som grunneigar å rette opp avviket på tanken slik at den tilfredsstillar dagens krav til standard, og i tillegg er eit godkjend avløpsanlegg. I dette brevet finn de informasjon om kva du kan gjere for å unngå pålegg.

Grunngjeving for førehandsvarsel om pålegg og tvangsmulkt

Det følgjer av forureiningslova § 7 første ledd at «ingen må ha, gjøre eller sette i verk noe som kan medføre fare for forurensning» uten at det er gitt løyve».

I medhald av forureiningslova § 7 andre ledd kan kommunen pålegge den ansvarlege for forureininga, om å sørge for tiltak for å stanse, fjerne eller avgrense verknaden av den. Med bakgrunn i nemnde tilhøvet, varslar kommunen om at det vil bli vurdert å gje pålegg om retting og ilegging av tvangsmulkt for å få brakt tilhøvet i lovlege formar.

Varsel om pålegg om retting og tvangsmulkt

Med heimel i forureiningslova § 7, blir du no varsla om at tiltaket må bli retta **innan fristen nedanfor** og dokumentasjon på dette må sendast inn innan same fristen.

Vi varslar også at det kan bli fatta eingongsmulkt på kr. **10 000,-** og løpende dagmulkt på kr. **200,-** dersom avviket ikkje er retta innan fristen. Dette er heimla i forureiningslova § 73.

Korleis kan du rette opp i avviket og unngå tvangsmulkt?

Rettar du opp avviket, unngår du pålegg og tvangsmulkt. Det kan skje på følgjande måte:

- Du må få eit godkjent rørleggarføretak til å kontrollere og eventuelt reparere lekkasjen i tanken.
- Dersom lekkasjen ikkje kan reparerast, må du få eit godkjent rørleggarføretak til å prosjektere og installere nytt avløpsanlegg for deg. Vi gjer merksam på at dette er eit søknadspliktig tiltak.

Dersom de er usikker på om utbetringa/reparasjonen av septiktanken er eit søknadspliktig tiltak, kan de ta kontakt med Alver kommune.

Frist

Dokumentasjon på at avviket er retta må sendast kommunen **innan 15.08.2023**.

Du har rett til å gje uttale før det blir fatta vedtak om pålegg om retting og ilegging av tvangsmulkt. Det kan til dømes vere at du meiner opplysningane våre ikkje er rette eller at det finns andre grunnar til at du ikkje har plikt til å utbetre forholdet.

Det vert gjeve ein frist på **3 veker** frå mottak av dette brevet til å svare på førehandsvarselet. Alver kommune oppmodar deg om å nytte uttaleretten.

Dersom vi ikkje har mottatt opplysningar som inneber at avløpssituasjonen tilfredsstillar dagens krav innan 3 veker vil vi fatte vedtak om pålegg og tvangsmulkt med same frist som i dette brevet.

Vi svarar gjerne på spørsmål på telefon 5637 5000 eller du kan sende e-post eller post til

- post@alver.kommune.no.
- Alver kommune, postboks 4, 5906 Frekhaug

Kommunens oppgåve og mynde

I forureiningslova § 48 er ei av dei kommunale oppgåvene at kommunen skal føre tilsyn med ureiningssituasjonen i kommunen. Etter forureiningslova § 7 fjerde ledd kan kommunen gje pålegg ovanfor den som har ansvar for det ulovlege tilhøve, som er i strid med § 7 første ledd.

Aktuelt regelverk

- Plikt til å unngå forureining følgjer av forureiningslova § 7.
- Kommunen kan gje pålegg om retting med heimel i forureiningslova § 7.
- Ilegging av tvangsmulkt følgjer av forureiningslova § 73.
- Straffeansvar for forureining eller forsøpling framgår av forureiningsloven §§ 78 og 79.

- Plikt til å installere godkjend avløpsanlegg på eigedommen følgjer av forureiningsforskrifta kapittel 12.

Med vennleg helsing
Alver kommune, Miljø og tilsyn

Eirik Berntsen
Avdelingsleiar

Roger Fanavoll Fjellsbø
rådgjevar

Dette dokumentet er elektronisk godkjent og har difor ingen signatur.

Kopi til:

Sylwia Margas

Mottakarar:

Renata Beata Margas

Svindalsvegen 4

5913

Eikangervåg